



# ЛЕНИНЭНЬ КИЯВА

ВЛКСМ-нь Мордовской обкомонтъ ды Саранск ошонъ комитетэнтъ газетаст

1941 ие  
МАРТОНЬ  
5-це чи  
26 (1322) №  
ЛИСИ: 11-це ие,  
12 № ковс

## СССР-нь Верховной Советэнь I-це созывень VIII-це Сессиясь

Мартонь 1-це чистэ придовсь СССР-нь Верховной Советэнь VIII-це Сессиясь. Валске Национальностнень Советэнь Председателенть Шверник депутатонтъ председательстванзо коряс ульнесь Национальностнень Советэнтъ заключительной заседаниязо ды чокшнэ Союзонь Советэнь Председателенть Андреев депутатонтъ председательстванзо коряс — Союзонь Советэнтъ заключительной заседаниязо.

СССР-нь финанстнень Народной Комиссарось Зверев ялгась, кона заключительной вал марто выступил Национальностнень Советэнтъ заседаниясонзо, тешкстызе, што 1941 иентень СССР-нь Государственной бюджетэсь ульнесь обстоятельнойста толковазь Национальностнень Советэнтъ Сессиясонзо. Депутатнень выступленияст кемекстыть, што од бюджетэсь целанек отечи ВКП(б)-нь XVIII-це Всесоюзной конференциянь решениятненень ды обеспечивает задачатнень топавтоманть, конат масторонтъ икелев аравтозъ те иестэнтъ хозяйственной, культурной ды оборонной строительства тевсэнтъ. СССР-нь Народной Комиссариатнень Советэнтъ поручениянзо коряс Зверев ялгась доложил, што СССР-нь Совнаркомось согласной Национальностнень Советэнь Бюджетной Комиссиянтъ предложениянзо марто бюджетэнтъ доходной пельксэнзэ 909,1 миллион целковойс покшолгавтомадо ды 273 миллион целковонень суммасо дополнительной ассигнованиятнеде. Зверев ялгась пачти истажо, што СССР-нь Совнаркомось согласной кой-кона депутатнень зарья предложенияст марто, конат обратились эялдома марто хозяйственной ды культурной строительствас дополнительной ассигнованиятнеде. Зверев ялгась лови, што депутатнэ видестэ критиковизь СССР-нь Наркомфинэнтъ ды сонзэ местной органтнень контрольно-ревизионной роботаст асатыкстнень ды являвтни, што финанствэнь Наркоматось теи тень эйстэ эрвикс выводт.

Национальностнень Советэнь Бюджетной Комиссиянь содокладчикесь Хохлов депутатось заключительной валсонзо тешкстызе, што депутатнень ёндо бюджетэнтъ ве мельсэ одобренясь еще ды еще весть убедительнойста невити, што бюджетэсь целанек отражает советской народонтъ интересэнзэ. Правительствась, корты сон, ловинзе депутатнень выступленияст ды приминзе зарья сынст предложенияст. Те нек вадрясто корты минек правительстванть чуткой ды внимательной отношениядонзо народонь представительтнень требования-ненень.

Союзонь Советэнь заседаниясонть Зверев ялгась заключительной валсонзо невтсь, што СССР-нь правительствась согласной Союзонь Советэнь Бюджетной Комиссиянтъ предложениянзо марто бюджетэнтъ доходной пельксэнтэ 909,1 миллион целковойс покшолгавтомадо. Правительствась согласной иста жо Союзонь Советэнь кой-кона депутатнень предложенияст марто хозяйственной ды культурной мероприятиятнес дополнительной средстватнень ассигнованиядо. Тень ютксо, СССР-нь Совнаркомось лови возможнойкс явомс дополнительной средстват Измаил ошонть благоустройство, Алиш-р Навои поэтэнтэ 500

иень юбилеензэ праздновамос, Армениясо черепичной заводтнень строямос, Литовской ды-Эстонской ССР-нь промышленностень оборотной средстватнень покшолгавтомад ды лият.

Союзонь Советэнь Бюджетной Комиссиянь содокладчикесь Николаева депутатось заключительной валсонзо мерсь:

— Весе советской, хозяйственной ды общественной организациятнень обязанностест ашти сеньсэ, штобу обеспечить бюджетэнтъ топавтоманзо, строгайтэ ды точнойста ванстомс финансово дисциплинанть.

Национальностнень Советэсь ды Союзонь Советэсь ве мельсэ кемекстызь 1941 иентень СССР-нь государственной бюджетэнтъ ды «1941 иентень Советской Социалистической Республикатнень Союзонь государственной бюджетэнтъ Закононтъ.»

Кавонест палататне ве мельсэ кемекстызь иста жо «Колхозтнень пельдеподходной налогонтъ Закононтъ» ды примаст постановления велень хозяйствань налогонтъ 1939 иень сентябрынь 1-це чинь Закононтъ 3-це, 8-це ды 19-це статьянзо лиякстомтомадо.

Национальностнень Советэнь ды Союзонь Советэнь заключительной заседаниятнесэ ульнесь ванкшнозь Сессиянтъ чинь порядоконь омбоце вопросось—СССР-нь Верховной Советэнь Президиумонь Указтнень кемекстамось, конат примазь Сессиятнень ютксо шкастонтъ ды подлежат СССР-нь Верховной Советэнтень кемекстамос. Те вопросонтъ коряс доклад марто кавонест палататнень заседаниятнесэ выступил СССР-нь Верховной Советэнь Президиумонь Секретаресь Горкин депутатось. Национальностнень Советэсь ды Союзонь Советэсь ве мельсэ кемекстызь Указтнень, конат примазь Сессиятнень ютксо шкастонтъ ды подлежат СССР-нь Верховной Советэнтень кемекстамос.

СССР-нь Верховной Советэсь башка палататнева кочкинзе СССР-нь Верховной Советэнь Президиумонь Председателенть Заместителекс депутатнень: Бровконь—Молдавской ССР-нь Верховной Советэнь Президиумонь Председателенть, Палецкисэнъ—Литовской ССР-нь Верховной Советэнь Президиумонь Председателенть, Кирхенштейнэнь—Латвийской ССР-нь Верховной Советэнь Президиумонь Председателенть ды Варесэнь—Эстонской ССР-нь Верховной Советэнь Президиумонь Председателенть. Белорусской ССР-нтэ пельде депутатнень предложенияст коряс палататне олякстомтызь СССР-нь Верховной Советэнь Президиумонь членэнь обя-занностнень эйстэ А. А. Волков ялганть, аволь Белорусской ССР-сэ роботас сонзэ туеманзо кувалма, ды кочкизь СССР-нь Верховной Советэнь Президиумонь членке П. К. Пономаренко ялганть.

(ТАСС).

## НАРКОМИНДЕЛСЭ

Мартонь 1-це чистэ Болгариянь Иностранной Тевтнень Министерствань представителесь Алтынов господинэсь являвсь Болгариясо СССР-нь Полпредэнтень А. А. Лаврищевнень, што болгарской правительствась максесь соглашения Болгарияв германской войскактнень совавтомантень, тень цингстэ Балкантнэсэ мирэнь ванстома целенть мельсэнзэ кирдэсь.

Мартонь 3-це чистэ Наркоминделэнь Заместителесь А. Я. Вышинский ялгась максесь болгарской посланникэнтень Стаменов господинэнтень истамо содержаниянтъ ответ:

Болгарской правительстванть соображениянзо ланге ответэкс, кона те иень мартонь 1-це чистэ максызе Болгариясо СССР-нь Полпредэнтъ А. А. Лаврищевень вельде Болгариянь Иностранной Тевтнень министерствань представителесь Алтынов господинэсь, седе, што болгарской правительствась согласясь Болгарияв германской войскактнень совавтомантень ды што те

акциясь теезь Балкантнэсэ мирной цельтнесэ, советской правительствась лови эрвиксэкс являвтомс, што:

1) Советской правительствась не может согласямс болгарской правительстванть арсеаманзо марто те вопросонтъ меельцентъ позициянзо правильностедэнтъ, секс што те позициясь, болгарской правительстванть бажаманзо ланге апака вано, вети аволь мирэнь кемекстамонтень, но войнань сферанть келейгавтомантень ды сонзэ эйс Болгариянтэ таргамонтень;

2) Советской правительствась, мирэнь эсензэ политикантень вернойкс улезь, не может тень кувалма максомс кодамокс поддержка болгарской правительствантень сонзэ неень политиканзо ютавтомасонтъ.

Советской правительствась вынужденной теемс те являвтоманть сехте пек сень кувалма, што болгарской печатэсэнтъ свободнойста нолдтневить кулат, конат педепев извращают СССР-нтэ алуксонь позициянзо.

## ВЛКСМ-нь ЦК-со

### Гимнастикань коряс комсомолэнтнень массовой соревнованиятне

Те теленть перть минек масторсонть пек кассэ лыжной спортось. Еще аволь полной даннойтнень коряс, Якстере Армиянь XXIII-це годовщинантъ лемсэ Всесоюзной комсомольской лыжной кроссонть эйсэ участвовали малав 6 миллион од цёрат ды тейтерть. Кроссось теевсь од ломатнень боевой анокчист массовой смотракс, еще седек пек кепедизе советской од ломатнень интересэст физкультурантень ды спортонтень. Спортось ней кармась теевеме Советской масторонь ламо миллион од ломатнень насущной потребностекс. Кроссось — комсомолонтъ военно-физкультурной планомерной роботанзо ушодкс.

Те иень апрель — сентябрь ковтнень комсомольской организациятнень массовой военно-физкультурной мероприятиянтень планонтъ коряс, конань кемекстызе ВЛКСМ-нь ЦК-сь—ВЛКСМ-нь ЦК-сь примаст решения ютавтомс апрелень 6-це чистэ саезь 20-це чинть самс комсомолэнтнень массовой соревнованият гимнастикань коряс.

Военно-спортивной те пек покш мероприятиянтэ аноктамось ды ютавтомась должны тонавтомс комсомолэнтнень ды весе од ломатнень ютавтнемс эрва чистэ индивидуальной гимнастика, таргаме миллион од цёрат ды тейтерть ГТО-нь комплексэнь гимнастической норматнень максомс.

Соревнованиятне кармить молеме истамо программань коряс: «зарядкань» кондамо 8 упражнения ГТО-нь ды БГТО-нь комплексэнтэ, тоеборие (опорной кирнявтома, упражнения перекладинасо ды брусьюсо), видестэ аштица жердява или канатка кузнема, чиёмстэ сэрсь (верев) кирнявтнемат.

Соревнованиятнень ушодовомадонтэ икеле сынст участниктне должны ютамс учебнотренировочной аноктамо специальной программань коряс.

ВЛКСМ-нь ЦК-со теезь гимнастической соревнованиятнень ютавтоманть коряс оргкомитет, конань председателекс аравтозь ВЛКСМ-нь ЦК-нь секретаресь Громов ялгась.

## Велень хозяйствань передовиктнень совещания

Февралень 27—28-це читнестэ Саранскойсэ ульнесь Мордовиянь велень хозяйствань передовиктнень совещания. Соревнованиясь тейсь итог Мордовской Автономной Советской Социалистической Республикань колхозтнень, МТС-тнень ды совхозтнень социалистической соревнованиянтъ, конань ветить орденонесной Чувашиянь колхозтнень, МТС-тнень ды совхозтнень марто.

Мордовской АССР-нь Земледелиянь Народной Комиссарось Карпов ялгась эсь докладсонзо ды прениясо корты-платне ёвтнестъ социалистической земледелиянь сеть покш успехтнеде, конатнень теизь Мордовиянь колхозтнэ, МТС-тнэ ды совхозтнэ. Покш успехть теезь животноводстванть кепедеманзо коряскак.

Теке марто совещаниясонть тешкстазь, што улить башка районт, колхозт, МТС-т ды совхозт, конат эзизь

топавто Чувашиянтэ марто теезь договорсонть саезь обязательстванень.

Мордовиянь велень хозяйствань передовиктнень совещаниясь примаст 1941 иестэнтэ Чувашской АССР-нтэ марто социалистической соревнованиянть договор. Договоронтъ главной обязательстванзо истят: эрва гектарсонть поллучамс 12 центнер урожай ды эрва скалстонть потявтомс иезэнзэ 1.200 литра ловсо. Договорсонть тешкстазь зарья конкретной мероприятиянтэ, конат эривить ютавтомс тевс, штобу топавтомс саезь обязательстванень.

Совещаниясь истажо примаст обращения весе колхозниктнень ды колхозницатнень, МТС-нь ды совхозонь трактористтнень, рабочейтнень ды служащейтнень. Те обращениясь терди покш урожаень кисэ, общественной животноводстванть ды велень хозяйствань лия отраслятнень икелепелев седеяк пек кепедеманть кисэ бороцамо.



## КОМСОМОЛЬСКОЙ ЭРЯМОСЬ

Бороцямс обкомонь пленумонть  
решениянзо топавтоманть кис

Покш задачат аравтсь комсомольской организацианень икелев ВЛКСМ-нь Мордовской обкомонь II-це пленумось. Велесэ культурно-политической роботасонть комсомольской организацианень участиядот пленумонть постановлениань 5-це пунктось обяывает комсомолецтнень ветямс покш работа неграмотностины ды малограмотностины ликвидацияны коряс, «лездамс народной образованиянть органтианень те шкас неучтенной неграмотностины ды малограмотностины выявлениансонть, сех пек подросткатнень ютксо, те емс сень, штобу весе неграмотныне кармавольте улема таргазы тонавнемс».

А топавты неть указанианень Майдан велень «Сятко» колхозонь комсомольской организациань. Комсоргось В. Учайкин ялгась натой эзизе толковаяк комсомолецтнень ютксо обкомонь II-це пленумонть решениянзояк, эзинзе мобилизова сынет сонзэ топавтомо.

Организациансонть улить грамотной комсомолецт, конат могли бу тонавтомс неграмотныть ды малограмотныть. Мезеяк эзть тее комсомолецтнэ сень коряс-как, штобу выявити те шкас неучтенной неграмотностины ды малограмотностины, истят жо велесэнь улить.

Тесэ ули чумозо ВЛКСМ-нь Кочкуровской райкомонтькак. Сон, булвчом, беряньстэ еще мобилизовинзе велень комсомольской организацианень обкомонь II-це пленумонть решениянзо топавтомо.

Н. Канаев.

ИЕНЬ ПЕРТЬ АРАСЕЛЬ  
СОБРАНИЯ

Арсесь-арсесь Я. Кротов ялгась — Косогор велесэ Буденный лемсэ колхозонь комсомольской организациань секретаресь — ды ледсэ мелезэнзэ, што комсомольской меельце собраниянть сон ютавтокшнызе иеде тее икеле. Ды седе мейле, цела иень перть, собраниянть арасельте.

Кротов ялгась тешкстнесь февральковсто пурнамс комсомольской собраниянть ды толковамс вопрос тунда виде-мантень анокстамосонть комсомолецтнень участиядот. Ансяк те шкас яла те собраниянть арасельте.

В. Яковлев.

Б.-Березниковской р-н.

Поручениятнень топавтомаст лангсо  
контролесь

Максозь поручениятнень, эсь решениятнень топавтоманть проверямось кармазь улема Связень управлениянть (Саранск) комсомольской организацианть весе роботанзо основной принципекс. Комитетнень секретаресь Зеканова ялгась добивается сень, штобу комсомольской собраниянть эрва решениясь, те или тона комсомолецтнень максозь поручениясь улевель топавтозь точно ды эсь шкасто.

Вана кавто примерт. Январень 20-це чистэ явозельте избирательной участкас агитаторокс комсомолкатне Иванова, Лысаковская ды лият. Мейле эчредной комсомольской собраниясо кунсолосель отчетост се роботадонть, конань сын ветясть избирательной участкатнесэ. Теде башка, комитетнень члентнэ сынет роботаст проверизь сеть участкатнесэ, козонь сын кемекста-

зельте агитаторокс.

Куркина, Воробьева ды лия ялгатненень максозель поручения — проверямс эсь учреждениянть культурной состоянианзо. Комсомолкатне сеске жо кундасть тевс. Сын лангс таргасть жарья покш асатыкст культурной состоянианть коряс. Весе тее ёвтнесть комсомольской собраниясо ды комсомолецтнэ лездасть администрациантень витемс лангс таргазь асатыкстнень ды те емс учреждениясонь образцовой культурной вид.

Истят примертнде можна невтемс жарья.

Эсь решениятнень, максозь поручениятнень топавтоманть кис бороцямось кепеди комсомолецтнень активностест, кармавты эйсет свал улемс исполнительнои.

А. Богомолов.

## Эзь лиякстомо тевесь нейгак

«Велесэ культурно-политической роботасонть комсомольской организацианень участиядот эсь постановлениясонзо ВЛКСМ-нь Мордовской обкомонь II-це пленумось тешкстызе, што велесэ культурно-политической роботань ютавтоманть коряс комсомольской организациантень роботасот улить покш асатыкст. Весе сеть асатыкстнэ, конат тешкстазь постановлениясонть, педепев относятся Косогор велень «Красный восток» колхозонь комсомольской организациантеньгак.

Обкомонь пленумдонть мейле ютась малав уш цела ков, но Косогоронь колхозной комсомольской организациань (секретаресь А. Зорькин) мезеяк эзь тее сень коряс, штобу витемс эсь роботасонть асатыкстнень ды топавтомс сеть задачатнень, конань аравтынзе комсомольской организациантень икелев обкомонь пленумось. Комсомолецтнэ натой а содасызгак ды эзизь толковаяк обкомонь пленумонть решениянзо.

Комсомольской организациань а вет

колхозниктнень, од ломатнень ютксо политико-воспитательной ды культурно-массовой работа. Комсомолецтнэ сезевсть аволь союзной од ломатнень эйстэ. Умок уш арасельте комсомольской собраниянть.

Комсомолецтнэ а роботыть эсет идейно-политической уровенест кепедманть лангсо, а тонавтишь, натой а ловныть газетаткак. А лездыть клубонть ды ловнома-кудонть роботантень, а примить участия неграмотностины ды малограмотностины ликвидациясонть.

Киньгак арась комсомольской поручениянзо. Ярдо-бути порученият максильтекак, ансяк а проверильте сынет топавтоманть, секс апак топавто кадновкшность комсомольской собраниянть жарья решеният.

ВЛКСМ-нь Б.-Березниковской райкомось беряньстэ интересуется сень эйса, кода роботыть колхозной комсомольской организациантень, а максни тест эривикс, конкретной леске.

Д. Егоров.

Зярдо стувтнесызь эсь  
решениятнень...

Госбанконь комсомольской комитетнень секретаресь Ерофеева ялгась пек дивазевсь, зярдо ловнызе решениянть, конань алов сонсь жо теекшнызе эсь подписензэ. Ловнызе жо сон те решениянть протоколонь оформленидонть мейле ниле ковонь ютазь, сестэж аволь эсь мелензэ коряс, но секс, што сась ВЛКСМ-нь Саранской горкомонь представитель ды поинтересовался комсомольской хозяйствасонть. Ерофеева ялгась натой а кемиль: сонзэ ли те решениянть пессэ подписесь. Кувать сон ванкшность капшамонь пачк теезь эсь подписенть ды мейле кармазь ёвтнемс седе, што сонзэ роботань практикасонть те, секен вант, вейкине случай, зярдо стувтокшнызе эсь решениянть.

— Ды кода истя мон эзия ловно, мезе подписываю. Истят теветь чуросто эрсить, те — недоразумения.

Но секе жо папкасонть ульнесть комсомольской собраниянть кавто лия протоколт, конат карандашсо сёрмадозельт конёв панкесекс. Сын теке мерят коротазевсть ды кармасть ёвтнемс секретарентень: «Аволь чуросто эрсить истят теветь, те аволь исключения, те — система, умок теевезь кой...» Неть протоколтнэж сёрмадозельт уш умок. Вейкесь ков, омбопесэ седе умок аштекшни папкасонть неоформленнойкс.

Нурькинестэ мерезь, лиссэ вана мезе: ютась иень ноябрь ковонь 20-це чистанть комсомольской собраниянть толковась вопрос «ВКП(б)-нь историянть краткой курсонть» ды политграмотанть тонавнемс.

Те вопросонть значениязо Госбанконь комсомольской организациансонть покш, сон веши сень, штобу комсомольской комитетэсь седе пек кармаволь мелявтомс пропагандань тевенть кис. Политической образованиянть комсомолецтнэ кепедильте беряньстэ. Политграмотань кружочков яксильте чуросто, занятиянень а анокстыльте. Овси а капшильте ушодомс «ВКП(б)-нь историянть краткой курсонть» тонавнемс.

Протоколонтень сёрмадозь прениантэст неяви, што собраниясь ульнест бурной. Комсомолецтнэ активна кортасть, макнесть паро предложения, советовали, кода седе вадрасто аравтомс комсомолецтнэж тонавнемс. Постановлениань обяывал эрва комсомолецтнэ кармасть тонавнемс. Тосо жо мерезель, штобу комсомольской комитетэсь контролировал, кода ВЛКСМ-нь члентнэ роботыть политической образованиянть кепедманть лангсо. Собраниясонть решазель, штобу комитетэсь седе сеетсьтэ тердтневель товарищеской собеседованиянть, организовамс комсомол-

катнень-аватнень тонавнемс. А месь кортамскак, решениясь важной. Бути сонзэ топавтовлить, сестэ лия тевесэ улевель комсомолецтнэ политической тонавнемс мартояк. Но весе беряньсэ сеньсэ, што решениясь кадовсь апак топавто. Путозель папкас, стувтозель комсомолецтнэ предложениясткак. Ерофеева ялгась натой эзизе ловнокшныак решениянть. Секс тосо а видестэ сёрмадозельте комсомолецтнэ фамилиянть ды жарья фактт. Натой комитет валонть таркаскак сёрмадозель «климитет»...

Ютасть ниле ковт, зярдо секретаресь варштазь протоколтнэж лангс. Умок уш ютасть решениянть топавтомань тешкстазь шкатне, организациансонть положениань жо яла икелень кондамо. Фролов ды Чевтаев комсомолецтнэ те шкас эсть кунда «ВКП(б)-нь историянть краткой курсонть» тонавнемс. Кортнить, што сынет пек а ютко, теить «баланс». Икелень коряс седе ламот а яксить политграмотань кружочконть. Товарищеской собеседованиянть арасельте. Комсомолонь комитетэсь эзь кортне вейкеяк комсомолецт марто, кода сон роботы эсензэ образованиянзо лангсо.

Лият а месь ульнесть учнемскак. Свал истя эрси тосо, косо а тонавтишь эсь решениятнень, комсомольской организациань руководителтьне жо натой а ловнытькак решениятнень.

П. Ильин.



Ардатовской педагогической училищань 3-це классонь тонавтичанть Клыва Ивановна весе предметнэж коряс отметканзо ансяк парт ды отличнат. Иванова ялгась прими активной участия общественной роботасо, сон ВЛКСМ-нь Ардатовской райкомонь членке кандидат.

Фотось Ив. Антоновонь.

## Истя эрси уроксо

Гайгезевсь звонок. Эрвась совамс уроксо. Но тонавтичанть чийнить ушова. Ютасть жарья минутат. Окойники, весе пурнавсть классос. Ушодовсть занятият. Учениктне вейкень песс аштить одижасо, шапкасо, папясо.

Преподавателесь кармазь кевкстнемс, кие теизе кудов максозь заданиянть. 23 ломаньстэ заданиянть теизь ансяк колмо.

Истя ашти тевесэ Гузынна велень неполной средней школань 7-це классонть эйса. Дисциплинась тосо пек берянь. Ламо тонавтичанть пек грубят преподавателтьне марто. Февралень 19-це чистэ С. Буякин тонавтичанть чумонзо коряс ульнест сезезь химиянть коряс Парчайкин преподавателень уроксо.

Улить 7-це классонть эйса комсомолецткак, примеркс, А. Суродеев, Радайкин, А. Кручинкин. Сын аволь ансяк а невтишь паро дисциплинань ды тонавнемань пример, но сынсь а теить кудосо заданиятнень, урокнест а анокстакшныть, тонавтишь беряньстэ, классосеке тев кольнит.

Эрви меремс витьстэ, што учебно-воспитательной роботась школасонть аравтозь беряньстэ. Комсомольской организацианькак (комсоргось Рузайкина ялгась), пионерской организацианькак (старшей пионервожатоесь Дегтярева ялгась) а ветить бороцямо кеме дисциплинанть, вадря успеваемостенъ кис. Директорось Пятакин ялгась кодаткак мерат эзь примакшно школьной дисциплинань колпытнень марто.

К. Солодовников.

Б.-Березниковской р-н.

ВЕСЕЛА ЛОВНОМА  
КУДОСОНТЬ

«Трудицянень депутатонь весе районной ды велень советнэненъ М. И. Калинин ялганть обращениядонзо мейле Дубенской районсэ пек седе вадрылгась политпросветучреждениянтьне роботаст.

Повадимова велень ловнома кудось икеле сеетсьтэ эрсилъ пекстазь. Бути сонзэ панжилизгак, яла теке скушнать тосо. Лиякс тевесэ ашти ней. Ловнома кудонть роботасонзо участвует велень активесь, интеллигенциясь. Сеетсьтэ эрсить беседат. Драматической кружочкось теиши постановкат.

Ловнома кудостонть свал муят эрвикс политической ды художественной литература, газетат ды журналт.

Эрва чокшне неят, кода покш мельсэ ламот налкскешнить шахматсо, шашкасо ды доминосо.

А. Харитонов.



АНДРЕЙ КУТОРКИН

## Моро тердема-пеленть кис якаmodo

«Ламзурь» поэмастонть саявкс)

Ялтке пецятнень сиянь пилексэст  
 Яла нельгени, кайси масторов.  
 Несмеян алясь пекше пряс кузнесь,  
 Тосо поведезь ней кайгась ульнесь.  
 — Кода пачк нееме эрва ломаненть? —  
 Тензэ седямкась пейдезь ответи:  
 — Касы покш пандонь ундо потмосонть —  
 Кири чувтыне, мекей матрця,  
 А начты ведень тараткинензэ,  
 А пици толонь мазы лопанзо,  
 Яхонт моргонзо, яшмат сёргонзо.  
 Се чувтонть перька, теке комолят  
 Ряпек тапарявсть ине гуйть вете:  
 Ашо, пиже, сән, ожо, раужо.  
 Нетнень кевксямо тон якак, аля...  
 Мейсь пандось касы, мейсь чувтось кири?  
 Кона ломанесь кривда лангс ласти  
 Ансяк эстензэ счастьань вешнеме,  
 Се пандонть касты — теусэ таргости,  
 Се чувтонть матры — валсо киявты.  
 Кривдань пандосонть правдань чувтынесь —  
 Минек эрямонть се портретэзэ:  
 Нужань мель ваньны туртов лездаткак  
 Седе чавола пандось лондаты —  
 Сонзэ потмосо чувтось кепети.  
 Ве пингень ютазь кармить улеме  
 Кривдань изнямонь сех меельсэ войнат:  
 Ве мель ваньнят, ве цель муцият,  
 Весе ве кедь лангс вейсэ молият,  
 Промить ламонест аламотнень лангс,  
 Ламонь уцяскань салыятнень лангс,  
 Алкуксэ эрямо кинь сёпитнень лангс  
 Верьс-лемс туреме. Весе секеде  
 Мола марто сонсь пандось вейкети —  
 Се кири чувтось прясно пачк лиси,  
 Ладормангады, касы-кепети,  
 Рацякады сон, перть-келев срады —  
 Козо пачкоди, тозо комель од  
 Нолды модантень тарат пестэнзэ,  
 Весе масторонть мазыс орчасы.  
 — Се пандонть малас кува пачкодемс?  
 — Вете ведьбрысо васня шли пильгеть,  
 Кото ки рашко вешнек мееле,  
 Сисем валт ёвтэк атак арсе тон,  
 Кавксонть эськельдяк — митялкот велявт...  
 Кува кодаткак ломать эзть яксе,  
 Тува ки тенть пры — тон ютак ансяк  
 Содак текезэ — лисят пандонть.  
 Прок ве сурс тонгозь валдо суркст аштить,  
 Се пандонть перька сисем лейть карксазь.  
 Васенцесь келей — се вечкема лей,  
 Омбоцесь бойка, — темзэ Ненависть,  
 Сестэ корштаткак весе виемат,  
 Эсеть потмосо кармат марямост  
 Весе нень, киде ломать авардять,  
 Кить покой вешнись — эрвасэ эстензэ.  
 Колмоце леесэ — весень стувтнемань,  
 Нилеце леесэ — весень содамонь,  
 Ветеце леесэ — пачк эри славань,  
 Котоце леесэ — виень раштамонь,  
 Сисемце леесэ — мев одыямонь,  
 Вишка суликал марто сайть сисем  
 Пурнак тон эсеть эрва лейстэнтъ ведь.  
 Паронь арсемга тонеть кармаван:  
 Бути сы симеть, ансяк ве лейстэнтъ  
 Аля, явавтык — тейть монь кунсолыкс —  
 Весень стувтнема лейстэнтъ иля сим.  
 Сисем лейтнень троке бути ютават —  
 Тонеть панжоты пандонть потмозо;  
 Ансяк васня сон пек срастнитязат,  
 Ушозонзо тон пелеманть кадык:  
 Совак смелнэстэ — виздемс а киде.  
 Мельсэнтъ аштезэ мезе мерян теть:  
 Кири чувтыненць перька гуйтнеде  
 Ашось вешкстыяк — верей кирняват.  
 Сень пейтнень алов путык вежаскеть.  
 Коштонть пачк ливтязэ виень маштыця  
 Налокс новоли прясно сатьместэ.  
 Пижесь вешкстыяк — таркас ландават, —  
 Сурот — лемтементъ — путык сонзэ кургс;  
 Вешксты сән ёзнэсэ — весе лондадат, —  
 Куншка сурот сән кельваряс путык;  
 Ожонть вешкстамсто, нама, боком прат,  
 Се невтема сур вешки важдамкак;  
 Вешксты раужось — митялкот стяват, —  
 Целькат улэзэ сенень потямкак.  
 Истя теяткак, эрва гусь теть  
 Вейксэ валт сюлми вейке чарькодьмас...  
 — Монь еще вейке теть энялдомам:  
 Тон ёвтэк монень мезень теусэ теусэ,  
 Конанть коряс монь ялган промовольть  
 Атак ранга тенст. — Несмеян мери.  
 — Кири чувтыненць эйстэ тон, аля,  
 Тарад пене сайть кавто лопинес,  
 Конань тусозо карми улеме —

Эрзянь поэтэсь А. Куторкин сёрмадсь покш эпической поэма „Ламзурь“, конань основас арась 1744—1745 иетнестэ Терюшевской волостьсэ крестьянской востаниянь эпизодтнэ.

Крестьянской вождентъ Несмеянконь руководстванзо коряс мокш-эрзянь крестьянтнэ кепетекшнестэ русской эмиссионертнэнь каршо эсет независимостест кис туреме.

Куторкин поэтэсь те событиянтъ невтизе поэтически седе кепедезь, главной героентень макссь истят ёнкст, конатне присущей легендарной, сказочной геройнень.

Минь тезэ макстано поэмастонть саявкс. Весе поэмась те цестэнтъ ули нолдазэ Мордгизсэ.

Чиньзельть раужо, вемберть пек валдо,  
 Кандык тей сонзэ — тешкэкс ули теть;  
 Ялгат кармитяк пек эрявомо  
 Курок шкас пурнаме, атак арсе тон  
 Прадот сэрейстэ сонзэ кепедик, —  
 Тарад пенестэнтъ пургить перть-пелей  
 Сруят, конатнень ули кувалмост  
 Вайгельбетнеде кеменьшка сядо,  
 Чиньзельть раужот, вемберть пек валдот.  
 Ансяк ваньк тон се тарад пенентъ  
 Кедьс понгомадо вейке ломанень,  
 Конась тейни тонь сех а вейкицякс,  
 Конань эрямось — теке тон ансяк.  
 Се кундасьяк те пек нежноентъ  
 Сонзэ сруятне мекейланк улить  
 Чиньзельть пек валдот, вемберть раужот.  
 Еще вана месть монь кармавтоман:  
 Кири чувтыненць велькссэ менелекс  
 Пек мазыямонь эрьке комавтозь.  
 Ансяк васоди кавто коморот —  
 Верде ведь нурьги. Телат весе шлик,  
 Но марто сестэ ведь иля сая...  
 Несмеян пурны виде сэрэнзэ —  
 Касы покш пандонть, кири чувтыненць,  
 Курок-а-курок муикс вешнеме.  
 Бойка Толаня пек вечкинь мельсэ  
 Несмеянконень чить и веть кодазэ  
 Чипаень валдонь сруя лиймасто,  
 Тештетнень прамонь суре кодемкстэ —  
 Кувака панар каземс вождентень.  
 Несмеян аля сень оршакшнызе,  
 Жольни чудикерькс карксазэ перьканзо,  
 Прясно лангс стась, эсь пильгесэнзэ  
 Кавто пельть кудась — понксекс эстензэ.  
 Кушак аразде, пиземе-чирькентъ  
 Карксамованзо тапардакшнызе,  
 Карень а вечкись кавто венчть карсесь.  
 Колмо ёнов сон васня сюконясь,  
 Нилеце пелев сонсь мейле сырғась.  
 Кода кайгазо тензэ кармавтнесь  
 Истя тейсэ алясь. Кода мерекшнесь  
 Мазы седямкась — истя лиссь теусь.  
 Несмеян юты — кись, прок пачалго.  
 Сисем лейтнень эйс Несмеян пачкодсь.  
 Юты веде ланга, мерят коськева.  
 Несмеянкодо кавтоксть эчке кедь  
 Лиснесь пандостонть венстась алянтень  
 Пижень кечесэ лаки томба верь,  
 Конанть пиксемде сорны се кедесь.  
 — Пандо, панжозевть атак тандавте:  
 Модань покш азор, шам иляк печтне!  
 Мон аволь эстенъ покой вешнеме —  
 Пильгень вачкодинь — тезэ пачкодинь,  
 Монь энялдомам — те, народонь мель. —  
 Несмеянконок истя меремстэ  
 Пандонть потмосто пиже пильге лиссь —  
 Юрт алядонок сон комекстэ покшоль.  
 Се пильгень алксонть сормавксостонзо  
 Рисовазедентъ алясь потазевсь:  
 Тюжа шта прок ванькс икельсэ кудосо  
 Несмеянко сонсь, курпакс медиявозь,  
 Ашти Ламзурень берюмасонзо.  
 Сонзэ сакалтнэ якить сурбунакс  
 Вейксэ эйкакшкеть перькаст сюмордять.  
 — Кулан, эйкакшкень, аванкакс сыре —  
 Сонзэ монь мельга туемазонзо  
 Светкень, тринк-ванынк, кода минь тридизь... —  
 Несмеян аля корты сатьместэ.  
 Чопавтезэ курго Ламзурь лайшезевсь,  
 Какаря кедьсэ нардни сельведнеть:  
 Ве кирдажозо венеме кирнэзевь.  
 Несмеян алянь сельмянень икельде  
 Живой картинась ансяк нулк меревсь,  
 Нардавсь, прок сесэ сон арасельгак.  
 Лия рисовась — нециясь озавсь, —  
 Весе седейзэ саявсь редяздентъ.  
 — Вай, авакай, мейсь аволь сокоран?  
 Мейсь тон чачтымек: мон светэнтъ лангсо  
 Седеентъ лазныкс аволинь уле! —  
 Несмеянко мерсь. Мезе нейсь таго?

Ваномскак се лангс а сы седееть:  
 Ашти сонсь алясь пек сэрей палманьс  
 Эчке рисьмесэ пеке нучк содось,  
 Пильге песэнзэ шочконь толбандя —  
 Те сонзэ пултыть одсто, паросто  
 Вирка чопачат весе раужот.  
 Ваньны авазо седей видьга сивсь,  
 Атак нейть вань, кода палы сон...  
 Се картинаськак нардась истя жо,  
 Кода васенцесь. Пильгень алксонть  
 Букват появась пек сырежидият,  
 Мерят киштеме рядсто лисният,  
 Сельмс каявицят, а ловновицят.  
 Эсь пряс рангицят, лемест ёвтицят.  
 Моданть келензэ чарькодицянть  
 Звуктне полалевсь вана неть валтнэс:  
 «Эстетъ покосень вешникс уляткак,  
 Ансяк тонсетъ кис пингеть печтьсакань, —  
 Ламзурень кедь лангс кулат сырестэ,  
 Тейтерентъ, цёранть сельмест икеле,  
 Сатьме кудосо мирной куломсо.  
 Арасьчисэнтень нежекс уляткак,  
 Пиштитнень туртов лездыкс эряткак,  
 Тон покойтемекс ламо кирдятак,  
 Покоркст, апарот, вармат, пиземеть —  
 Сюкпрянъ ёвтыцят пек ламо муят,  
 Ансяк сестэ тон кулат а шкасто,  
 Кода нейсак тон те картинасонть».  
 — Чаводо пешксе таргози пандо,  
 Кривдань вечкиця, правдань кекшиця,  
 Эр потмот панжик, нолдамак тозо, —  
 Таго мерсь алясь эсь кежензэ пачк.  
 Пандо конянтень панжовсь ве сельме  
 Чирял а мазы, Валдаж эрькешка.  
 Сякой сёрма толт пургить эйстэнзэ.  
 Сельментъ эрьгезэ вирень омутшка  
 Тосто неяви Несмеянко сэрсь  
 Эсь портретэнзэ мештес нолдызе  
 Сыртэзэ налонзо минек юрт алясь:  
 Авня алкс кургокс пандось автезевсь.  
 Кевень скалатне (вереть-алот сынсь):  
 Теке сюрдов пейть учить сусомо.  
 Ков пелеманзо цёрась кадынзе:  
 Совась валдажа пандо потмонть.  
 Кода кайгазо тензэ кармавтнесь,  
 Несмеян алясь истя тейсэ тосо:  
 Вешкиня гуйтнень вете сурсонзо  
 Сон кундакшнызе, сынт кунсолыне.  
 Кири чувтыненць ве тарад пестэ  
 Кавто лопинетъ Несмеян сайнесь.  
 Алясь кайсекшнесь, истя штапо сон  
 Васодекшнине кедь коморонзо,  
 Мазыямонь ведь верде нурьгавтнесь.  
 Васня пезэкшнесь, мейле теланзо  
 Весе шлякшнызе, вете веднесэ  
 Човсезэ ямкскэ прок, алясь ванькскалесь.  
 Мекей оршакшнос, таго карсекшнесь.  
 Васоньгоморонть пачк сон чудевтнесь  
 Эрйентъ эйстэ ведь башка суликас,  
 Конань кавксоекс тезэ кандызе,  
 Келей понксонзо зепес тонгизе.  
 Пандось панжовкшнесь, мекей нолдызе.  
 Несмеян алясь теке полавтовсь:  
 Мельс паронь валдось низэльдемстэнзэ  
 Чама латконзо весе пештинзе.  
 Сисем лейтнень троке мекей печкемстэнтъ  
 Эрванть эйстэ сон пештась сулика.  
 Нень каркс алонзо вуждось килькштинизе,  
 Секе кияванть сон кудос мурдась.  
 Юрт алясь юты станонть малава, —  
 Пильге песэнзэ пеят кортазевсь:  
 — Валске чудикерькс тезэ булдордыл,  
 Мон, сөн эйс комазэ, аля симнилинь, —  
 Вейкесь мерсь ламо мазы кельнесэ.  
 — Монь юркак сонзэ летькесь пачкодиль, —  
 Витькстась ялгазо, кувцезь-охордозь.  
 — Тон аздат кува сон чудеде тусь?  
 — Несмеян сонзэ ки лангс карксызе... —  
 Пеят алянтень истя жалть марявсь:  
 Сон чудикерьксэнтъ мекей менстизе,  
 Чинь эсензэ таркас ёртнзе.  
 Секе марто прастъ мастор ёжонть  
 Сисем ведьбрыанзо марто кедьгетне,  
 Модас эртезевь, весе порксавкшность.  
 Эрва суликантъ эйстэ лисьмапра,  
 Теке зеркала, тува чудезевсь.  
 Весе вейкетельть, симат — маняват.  
 Эсь кайганстэнзэ Несмеян алясь  
 Будря пекшентъ пряс куйсь пеняцямо,  
 Весе витькстызе цёрась эсензэ  
 Покш ильведевксэнтъ. Се мери тензэ:  
 — Тон муйсы таго неть лисьма прятнень?  
 — Эно меснесын, — алясь отвачась...



# Положения

## гимнастикань коряс комсомольской организациятненъ массовой соревнованиятнеде

### 1. Цельтне ды задачатне

1. Комсомольской организациятненъ массовой соревнованиятне аравить ютавтомс Маень 1-нь чинтень комсомолсо военно-физкультурной роботанть еще седеяк пек келейгавтомань, гимнастикасо занятиятненъ комсомолетнень вовлечениянь лозунгонь коряс.

2. Комсомольской организациятненъ соревнованиятне аравить эсь целекс:

а) сень, штабу комсомолетнэ масово максовлизь гимнастикань коряс ГТО-нь комплекснь норматненъ;

б) сень, штабу внедрить эрва чинь индивидуальной гимнастикань комсомолетнэнь ды од ломатненъ бытс;

в) сень, штабу выявлять комсомолетнэнь ды од ломатненъ ютксо гимнастикань развитиянь тевсэнь сех вадра комсомольской организациятне.

### 2. Соревнованиятненъ ютавтомань шкатне ды таркась

Соревнованиятне ютавтовить апрелень 6-це чиста саезь 20-це чис.

Соревнованиятненъ шканть ды тарканть устанавливають комсомолонь райкомсо, горкомсо военно-физкультурной комиссиятне вейсэ физкультурань ды спортонь тевтненъ коряс комитетнэнь марто.

### 3. Соревнованиятненъ ютавтомасонть руководствась

Соревнованиятнесэ руководствать вети оргкомитетэсь, кона теезь ВЛКСМ-нь ЦК-со.

Обкомтнесэ, райкомтнесэ ды союзной республикань комсомолонь ЦК-тнесэ истяжо теевить оргкомитетт 5—7 ломаньстэ истямо составо: оргкомитетанть председателъ (васенце секретарес), председателенть заместителъ (физкультурань ды спортонь тевтненъ коряс комитетанть председателес), комитетань члент. Оргкомитетань составонть кемексты обкомонь, крайкомонь, союзной республикань комсомолонь ЦК-нь бюрось.

Районтнесэ ды оштнесэ соревнованиятненъ непосредственной анокстамонть ды ютавтоманть кис отвечать военно-физкультурной комиссиятне.

Судейской коллегиятненъ явить физической культурань ды спортонь тевтненъ коряс комитетнэ ды роботыть сынст контролест ало.

### 4. Соревнованиятненъ участниктне

Соревнованиятнесэ участвуют предприятиянь, учреждениянь, учебной заведениянь, колхозонь, совхозонь, МТС-нь, ремесленной училищань, фабрично-заводской обучениань школань первичной комсомольской организациятне.

### 5. Соревнованиятненъ организовамось

Первичной комсомольской организациятне явшесызь участниктненъ составонть цёрань, тейтерь-авань ды юношеской группас.

Группатне состоятся тренировочной васенце занятиянь ушодовомашкантень. Группатне аштит 10 ломаньстэ, конат пурназь преимущественно кавто командасто, конат примасть участия кроссонть эйсэ. Аволь покш комсомольской организациятне могут участвовать соревнованиятнесэ кеменде аламо ломанень группасо.

Группатненъ командиртне назначать анокстамонь васенце читнестэ, группанть эйс кемекставить соревнованиятненъ прыдовомазост.

Группантень эрви ютамс соответствующей учебно-тренировочной анокстамо соревнованиятненъ се программанть коряс, конань кемекстызе ВЛКСМ-нь ЦК-сь.

Тренировочной занятиятнесэ должен улеме кеме дисциплина.

Первичной комсомольской организациятне, военно-физкультурной комиссиятне, физкультурань ды спортонь тевтненъ коряс комитетнэ соревнованиятненъ анокстамонь шкастонть ютавить анокстамонь мероприятия:

а) мартонь 25-це чинть самс первичной комсомольской организациятне максить заявкат соревнованиятненъ участниктнеде комсомолонь райкомтнес, горкомтнес;

б) райкомтне, горкомтне ванкшныть заявкатненъ, теить соревнованиятненъ ютавтомань графикть ды раскрепляют спортивной залтненъ, стадионтненъ, площадкатненъ;

в) привлекают инструкторско-преподавательской составонть, гимнастонь активенть, судьят командной составонть ды комсомолетнэнь марто занятиянь ютавтнеме;

г) организовать консультацию гимнастикань вопроствань коряс;

д) добиваются сень, штабу местной промышленностинь предприятиятне седе ламо нолдавольть гимнастической спортивентарь ды одижа;

е) организовать комсомолетнэнь вийсэ простейшей гимнастической площадкань ды оборудованиань строямонть;

ж) обеспечивают участниктненъ медосмотранть ды соревнованиятненъ пингстэ сынст медобслуживанианть;

з) келейстэ ёвтнить комсомолетнэненъ соревнованиятненъ ютавтомань таркадонть ды шкадонть;

и) организовать показательной военно-спортивной вечерт.

### 6. Соревнованиятненъ программась

Соревнованиятне ютавтовить истямо программань коряс:

1. ГТО-нь ды БГТО-нь комплексстэ «зарядкань» кондио кавксо упражнениань топавтома (обязательна соревнованиань весе участниктненень).

2. Группань участниктненъ мелест коряс:

а) строеборие: упражнениань перекладинасо, брусьюсо ды опорной кирнявтома (I-це ступенень ГТО-нь II-це комплекснь группанть коряс);

б) равновесия (бум-чочко ланга якомо—V-це группа);

в) кузнема отвесной жердява или канатка (VI-це группа);

г) чиёмстэ верев кирнявтемат (II-це группа).

### 7. Соревнованиянь результатнэнь оценкась ды зачетось

Соревнованиятнесэ первичной комсомольской организациятне участиянь результатнэнь оценканть совить истят показателть:

а) комсомольской организациянь об-

щей составонть эйтэ зяро комсомолетт (процентсэ) примасть участия соревнованиятнесэ;

б) зяро комсомолетт (процентсэ) максызь ГТО-нь ды БГТО-нь комплекснь норматненъ «зарядкань» кондио обязательной кавксо упражненианть коряс;

в) зяро комсомолетт (процентсэ) максызь эсь мелень коряс ГТО-нь ды БГТО-нь комплекснь норматненъ.

ПРИМЕРТ: „Монолит“ заводось

1. Весемезэ комсомолетнэде 800 ломань:

а) примасть участия соревнованиятнесэ 400 ломань—50 проц;

б) максызь ГТО-нь норматненъ «зарядкань» кондио обязательной кавксо упражненианть коряс—200 ломань—25 проц.

2. Максызь эсь мелень коряс (выборной) норматненъ:

а) строебориянь коряс 100 ломань—12,5 проц;

б) кузнемань коряс 100 ломань—12,5 проц;

в) чиёмстэ верев (сэрьс) кирнявтематненъ 200 ломань—25 проц.

Весемезэ организациясь пурны 125 проц.

### Строительной институтось

1. Весемезэ комсомолетнэде 100 ломань:

а) примасть участия соревнованиятнесэ 100 ломань—100 проц;

б) максызь ГТО-нь норматненъ «зарядкань» кондио обязательной кавксо упражненианть коряс 75 ломань—75 проц.

2. Максызь эсь мелень коряс (выборной) норматненъ:

а) строебориянь коряс 50 ломань—50 проц;

б) кузнемань коряс 75 ломань—75 проц.

Весемезэ организациясь пурны 300 проц.

Организациясь, кона пурны сехте ламо процентт, сайсы васень тарканть.

### 8. Соревнованиятненъ итогонь теёмась

Соревнованиятненъ прыдовомадонть мейле первичной комсомольской организациятне кавто чинь шкас максыть отчетт комсомолонь райкомс, горкомс.

Комсомолонь районной, городской комитетнэ максыть отчетт вышестоящей организациятненень соревнованиятненъ ютавтомадонть мейле ниле чиде аволь седе позда.

Комсомолонь областной, краевой ды республиканской комитетнэ максыть сведениант ВЛКСМ-нь ЦК-в 1941 иень апрелень 27-це чиденть аволь седе позда.

Соревнованиятненъ итогтне кармить улеме печатазь газетасо.

## ГРАНИЦАНЬ ТОМБАЛЕ

### Европасо ды Африкасо войнась

(Мартонь 2-це ды 3-це читнестэ военной действиятненъ дневник)

Меельсь кавто читнень перть Албаниясо фронтнэсэ тешкстневи воевица ёнкстнэнь авиациянь активностез. Берянь погоданть лангс апаж вано, греческой войскатне, противникенть сопротивлениязо изиязь, таго шаштсь икелев фронтонь центральной секторонь зярыя пунктнэсэ. Саезь пленнойть ды ламо военной материалт. Греческой противотанковой артиллериясь, кода пачти Рейтер агентствась, отбил итальянской танкатнэнь атакаст.

Средиземной морянь восточной пелькесанть Кастельроссо островонть вакссо операциятненъ шкасто теевсь бой итальянской ды английской кораблятненъ ютксо. Итальянской командованианть сводканзо коряс, колмо английской кораблят колазв.

Восточной Африкань фронтнэсэ су-

щественной лиякстомат эзть тееве.

Куфра оазистнэнь (Северной Африка), конатнэнь осадаст мольсь малав ковоень перть, саизь де Голль генералонь войскатне. Рейтер агентстванть данноензэ коряс, французской войскатне сайсть пленс 1.000 итальянец.

Яла мольсь германской авиациянь налётоно Северной Африкасо англичантнэнь опорной пунктост лангс ды Англиясо военной объектиань лангс. Бомбардировазь, теень пингстэ, Лондонсь ды Ла-Маншонь побережьясонть кавто портт.

Английской авиациянь соединениятне мартонь 2-це чистэ тейнестэ разведывательной ливтемат голландской ды германской побережьянь велькесэ.

54

(ТАСС).



СНИМКАСОНТЬ: Лида Ремаева—Ардатовской педагогической училищань студентка, соксонь коряс районсонть рекордсменка.

Фотось И. Антоновонь.

## Анокстыть общегородской соревнованиятненень

Минек школань тонавтницятне кавто ковоень перть парсте анокстасть пионерэнь ды школьниковень внутришкольной военно-физкультурной соревнованиятненень.

Соревнованиятнесэ сех активной участия примасть 5, 6 ды 10-це класснэ. ГСО-нь коряс весемеде паро результат невтсь 5-це «Б» классонь командась—Тумольская, Черяпкина, Чертоусова ды Кусакина пионеркатне. Сынь топавтызь упражненианть аныак отличнойстэ, лиякс меремс 1 мин. 20 секундас.

ПВХО-нь коряс отличной показателть невтсь 6-це «А» классонь командась (Чубукова, Самонова, Белянушкина).

Соревнованиятненъ ютавтомасонть ды сынст анокстамосонть пионертнэненъ пек лездасть комсомолетнэ Кузин ды Прытков ялгатне, конат теень кис получасть премия. Премировазь истяжо сех паро командатне.

Ней пионертнэ ды тонавтницятне виевст анокстыть общегородской соревнованиятненень.

Г. Суровцева,

Саранск ошонь 44-це железнодорожной школань старшей пионервожатой.

Минек материаловонь коряс

## „МОРДОВСКОЙ ГОСУДАРСТВЕННОЙ КАПЕЛЛАСО БЕЗОБРАЗИЯТНЕДЕ“

Истямо заголовка ало «Ленинзнь киява» газетань 16-це номерэанть ульнесь печатазь корреспонденция, косо сёрмадозель Мордовской Государственной капеллань сотрудниктненъ ютксо производственной лавшо дисциплинадонть, коллективной пьянкадо ды койкона сотрудниктненъ бытовой разложениядост.

МАССР-нь СНК-со Искусствань тевтненъ коряс Управлениянь начальникесь Лобанова ялгась пачтась тенек, што корреспонденциясонть невтэзь фактнэ видеть. Бытовой разложениянть кис, капеллань коллективенть ютксо дисциплинанть кавтоманзо кис капеллань худруконтень Емецнэнь максозь строгой выговор меельце предупреждения марто. Капеллань икелень директорось Катайкин пьянканть ды прогулонь кис каязь роботасто, ды судязь. Каязь роботасто Зуйков, кона скомпрометировал эсь прынзо ды эсензэ антиобщественной поступкасозо позорясь коллективенть.

Ответ. редакторось А. ЩЕГЛОВ.